

宋朝大詔令集

宋朝大詔令集卷第十五

皇太后三

謚議

明憲皇太后謚議

建隆二年六月乙卯

臣聞謚所以知行號所以表功功大者播之無窮德厚者傳之不朽  
惟詩人之咏本王化之基姜嫄發后稷之祥大姁興武王之業祖宗  
之慶今古相沿恭惟大行皇太后沙麓備寶塗山孕粹恢張陰教表  
正人倫化行而九族惟和法正而六宮承式事光彤史美溢椒塗母  
儀方糴于庶邦像馭速聞于厭世禕衣禴翟即成原廟之遊履輅龍  
輔將耕朔陵之寢墓期定謚斯曰舊章謹按謚法照臨四方曰明聖  
善周達曰憲請上尊謚曰明憲皇太后詔曰恭依典禮

元德皇太后謚議

咸平元年正月己巳

恭惟皇太后沙麓儲祥河洲襲慶早服姆師之訓茂揚邦媛之風言  
德具修圖箴是憲爰被春秋之選克彰象服之宜志在進賢恩均逮  
下版浣濯而柔檢謹珩璜而慎儀協贊庇藩表正惟壹兆珠祥于申  
甲揚淑問于塗山慶奉天飛幣疏封邑主帝闈之陰教載女史之徽  
猷奄忽不停光儀永謝皇上由震宮而毓德升皇極以燭戎祇荷慶  
靈永懷碩後孝思罔極典冊備陳稽文母之功早參于十亂遵帝嚳  
之制夙正于四妃爰加衣采之稱以報昊天之德易名斯在節惠可  
稽謹按謚法茂德正續曰元忠和淳淑曰德請上尊謚曰元德皇太  
后

莊獻明肅皇太后謚議

臣聞生被大名者德之盛歿膺大謚者行之高碩善惡之敢私在古  
今而難廢若乃帝母之節惠也謚之于官府考之于朝廷當之于用

實請之于寢廟上之于梓宮藏之于金匱勒休垂世不亦重于恭惟  
大行皇太后宅心靜專敦厚敏惠被遇先帝正位中宮左右陳圖史  
之言春秋奉蒞藻之事豈惟內正于闈則抑亦外形于國風歷歲滋  
深流聞曷已及乎膺道揚之終命申燕翼之遠謀怡佑嗣皇交修一  
德爰臨禁殿共對適臣咨詢賢能講求機務仁澤布洽而百物遵熙  
烈昭施而三靈懷于是奉將嘉日日謀太室于以申述養于以謝成  
功皇帝荷恩慈之極深恭一孝之日道日展成于大祀常再薦于祇  
稱震挺紀辰會朝講事未嘗不躬陪秘幄祇率群臣祝萬壽以稱觴  
奏九韶之備樂並誠盡天下之養極人道之尊至于問疾宮闈徧嘗  
藥石夜不遑寢晝不解衣半恩宥于多方走禱于群望方倚陔而  
竭力遽陟屹以纒哀乃命有司制舊典隆致喪之盛禮上表行之尊  
名謹按謚法履正志和曰莊聰明睿智曰獻無幽不察曰明威德克

就曰肅伏請上尊諡曰莊獻明肅皇太后

莊懿皇太后諡議

伏以至恩大德欲報罔極時別有追冊之命鴻名顯號欲傳無窮時  
則有諱諡之典故爰申而天下勤事順而後王法念親思孝厲可後  
乎伏惟追尊皇太后早事先帝久參內治躬履勤儉之度天資慈仁  
之性發殊祥于吉夢毓嗣聖于昌辰自玉几興言龍輶戒御往奉園  
寢迄還宮闈禩節而莫逾貴遠處而弗競方列四妃之位未正三  
宮之名忽遭沉病遽弃榮養帷幄盡飾既安殯于近原陵域載營將  
祔適于新兆皇帝結寒泉之永慕釋彤管之遺音爰命適臣俾論卽  
惠謹按諡法履正志和曰莊溫柔聖善曰懿皇太后伏請上尊諡曰  
莊懿皇太后

莊惠皇太后諡議

名以省費蓋以考行古今之通義也胡極天子之孝致四海之春旌  
慈仁之烈答愛育之德不亦教之大乎伏惟保慶皇太后柔順含章  
淑明成裕繫赤泉之遐甯流大妣之徽音維儉約之是敦難謙祿之  
是履寬而 下勳必待中外族無假借之私公室士恩勤之意自家  
形國表裏肅然在昔永定登真寶符託之重大明繼照每懷爾復  
之恩皇帝爰自繼承早從依怙是用追哀樂之往制揭保慶之尊名  
親倚之隆皇情斯厚方且怡神黃老比壽松喬弗慮弗圖光靈條問  
回心遠達有惻于上心考行易名式揚于坤範謹按諡法維德端嚴  
曰莊慈惠遠識曰惠伏請上尊諡曰莊惠皇太后

欽慈皇后諡議

三月中

宰臣韓忠彥率群臣請追尊皇太后諡號于太廟議曰臣忝以奉先  
遠逮天子盡于事親表行易名聖人何以加孝仰稽成憲俯酌群言

玉闈清芬永貽後世臣謹拜手稽首昧死上議臣聞道與世而升降  
禮制情而節文自周之興始行紀謚之法逮漢而降乃有追冊之儀  
歷代莫不共由先王未之或改載簡編而弗泯計郊廟以無慙孝子  
慈孫豈貴三牲之養豐功盛德永冀萬斗之觀于皇治朝順考舊典  
撫隆平之休運懷頌復之深恩載則淵表式欽承于先訓爰崇顯號  
庸昭示于至公以詒無窮以垂不朽洪惟神考克紹寶圖有虞舜之  
風以釐二女育文王之化以刑四方修明閭儀登進邦媛是生聖子  
東應昌辰伏惟皇太后令質粹和懿姿淑茂恭儉成于所性柔嘉得  
于自然動容周旋默中珩璜之即夙夜儆戒肆觀國史之規贊隆教  
于宗庭藹芳聲于彤管尊敬阿保之訓被服澣濯之衣嫺女工而不  
違化婦道以無斁雖穆而敦逮下之惠信順以體資生之仁彤夢日  
之嘉祥備祠祿之終吉允昌國祚誕育聖躬貽社稷無疆之休慙華

夷胥篋之望永裕之仙遊忽違儀坤之正位未隆丹歲壑以密移駒  
通隙而難駐天長地久結遺恨以何窮日往月來想徽音而莫覩皇  
帝結膺駿命嗣守慶基極孺慕以奚從感色養而弗及念之不見彌  
深陟此之哀維以永傷史甚茹荼之苦巨敬遵故事紀遺芳而傳史  
牒洎穀旦以告廟祧臣謹按謚法威儀恣備曰欽敬事節用曰欽一  
心均安曰慈能以仁教曰慈皇太后體該衆美性蘊先知名之可古  
乃其身繫德之所被無以形容永對天地之休敬承祖宗之命恭上  
尊諡曰欽慈皇后禮畢列名奏上之奉勅恭依

謚冊

元德皇太后謚冊

維咸平三年歲次庚子三月戊寅朔二十日丁酉孝子嗣皇帝臣某  
伏以孝莫大乎顯親德莫厚于迅速生有懿範未正于尊稱設有徽



董式光于幽壤易名考行斯為舊典仰承鞠育之重永懷霜露之嘆  
敢叙周極以明孝思恭惟皇太后德合先朝功存內治肅穆以奉上  
閑和以逮下玕璜中節車服有儀循法度以飭躬勵慈儉以垂訓輔  
佐之美流詠乎聲詩婉淑之譽傳芳于國史音容早謝日月云邁高  
祿之祀餘慶發祥長樂之宮慈顏永隔范是眇質紹隆寶圖居萬乘  
之尊有四海之富而功勞莫報茹慕增感嗚呼為天下母弗能享三  
牲之膳為天下君弗能奉一日之懽風樹不止悠悠彼蒼而况竟母  
之門巍然空在儀坤之廟闕而未立是用申明詔下有司務俾故實  
式展情禮分謂后妃之制簡牘具存以于貴者春秋之明文如皇太  
者秦漢之故事所且按周公之謚旌文母之賢遠詢仲子考宮之儀  
近取照成祔葬之禮玉衣象服備物如式九原可作保斯印綬百代  
不刊永光載藉謹遣攝太尉門下侍郎兼兵部尚書平章事張齊賢

奉玉冊玉寶上尊謚曰元德皇太后伏惟神靈降格廣前典禮上配  
聖考在天照臨保佑冲人享國長久廟貌烝嘗世世勿絕嗚呼哀哉

明德皇太后謚冊

維景德元年歲次甲辰八月癸丑朔十二日乙丑孝子嗣皇帝臣某  
謹再拜稽首上言伏以奉先追遠人子之大猷考行易名格言之彝  
訓仰懷爾復之重英伸孺慕之心恩極尊稱以光懿範恭惟大行皇  
太后瑩山協慶沙麓儲祥配乾居尊儷日垂照而自佐佑先帝雍容  
內朝周旋合于聲詩造次循于法度母儀萬物二紀于茲九族用親  
六宮是式猥以冲昧祇荷宗祧蚤奉寶圖繼體宸極橋山送往常積  
于孝思長樂問安方榮于色養每尊清淨之教敢忘黃老之言痛聖  
善之長違念風樹以增感昊天罔極速日有期爰命有司疇咨故實  
節以一惠式揚盛烈今禱禴將秘龜策同寅典禮具存明靈如在是

用定議宗廟告謚。凡廷議違攝太尉、吏部侍郎、平章事、學士、安奉、用  
實上尊謚曰明德皇太后。伏惟神鑒昭格，體誠至公，配聖考以在天  
享鴻名于永世，騰休簡而茂揚耿光。億萬斯年，垂裕無極。謹言。

莊獻明肅皇太后謚冊

維明道二年歲次癸酉九月癸亥朔八日庚午，哀子嗣皇帝臣某，伏  
以致孝之本，莫大于顯親；敦化之方，莫先于追遠。矧荷明辟之重刑，  
四海之風，迺非鞠養之仁，永懷猶慕之感，不誅大行，何以昭衆德，不  
錫顯策，何以信後來。恭惟大行皇太后，沙麓開祥，塗山鍾粹，本靜專  
以法地，體柔明而配天，勅導珩珮之儀，言合圖史之訓，以任妣之德，  
助治于同家，以陰陽之贊，翼隆于漢室，而自受遺先帝，稱制從冢，保  
佑菲躬，尊臨天寓，風教被乎蠻貊，仁澤及乎昆蟲，九廟展祠，六宮承  
式，焦勞一紀，覆育萬方，闕殿問安，違供于孝，養椒塗淪景，奉道于內。

艱羽衛戒期至靈協吉用舉追崇之禮式申碩復之恩爰詔有司仰  
刺容典乃鋪景鏢載颯聲祇薦大名以應丕則謹遣攝太尉具官  
張士遜奉冊寶上尊諡曰莊獻明肅皇太后伏惟尊靈降格膺茲典  
禮幽贊丕祇對越鴻休廟祐熙寧永永無極

莊懿皇太后諡冊

維明道二年歲次癸酉九月癸亥朔十三日乙亥孝子嗣皇帝臣某  
伏以奉先追遠本孝治之萬終述行表功亦禮章之禁後故生未貳  
其位則歿有尊其稱仰惟慈覆之重早興孺慕之感念報罔極式嚴  
追禮恭惟皇太后軒星儲景層沙證期儼軋先朝協華椒掖行與道  
合位以德升勳脩珩珮之音居服保阿之訓外履質約袿裳無文中  
存禮閑玩好不飾蘭儀玉度六列以為表模椒問輝章四教于是領  
略天隆其祐神表惟祉戴誕孤蒙屬當統業積善有報垂祿無疆一

紀于茲四方用乂方期碩復永奉恩嚴豈謂景命靡融忽賓賓極愆  
愆蒼昊誠難堪况夫君臨四海母托萬邦而歡嘉未伸音旨俄厲  
劬勞永感終天焉窮听雖薦號問宮厝神淨界禮分未稱心焉如推  
今固寤告成龜繇協吉時宰庶尹儒宗禮官考儀緝圖探烈彤史咸  
以謂紀謚之法著自宗周追榮之典蓋本炎漢改稽往典虔易大名  
據道攝太尉具官張士遜奉實罔上尊謚曰莊懿皇太后伏惟明靈  
如在鴻典是膺上從聖真陰佑皇序祔饗清廟與邦家無窮

莊惠皇后謚冊

維景祐四年歲次丁丑正月甲戌朔十七日庚寅孝子嗣皇帝日某  
言伏以敦仁厚愛撫育之恩深尊位大名推崇之禮備緬思慈已之  
重進述累行之節垂之徽罔表乎公議恭惟保慶皇太后河汾遺育  
岷蜀遙源早翊贊于先帝常參聽于內治時修蘋藻之事動鑒歲圓

之誠簡狄佐譽象應四星女英嬪虞道存二典被文考之末命增皇  
太之尊稱擁衛眇躬紹承丕祚陰教既洽孝享是承協恭母儀謁款  
世室副禋重程版御以光璋璫玉璽裸薦有序克成從獻之義用達  
追養之心逮夫專侍瑤齋遂受琮鎮避巨名之尊奉辭歲計之供須  
舉藹紫闈音播彤史當錫神社以均邦祚而昊穹不吊凶咎奄鍾荷  
願復之恩每懷欲報致踊哀之痛永感不忘函下詔書成告中外禁  
聲樂加服紀所以申哀素也陳龍輶飾鳳輶所以嚴備物也祔山兆  
升閔宮所以建陵廟也訂寶誼勒金冊所以昭德號也有司定論庶  
尹同辭皆謂嚴正齋恭之誠慈哲寬裕之範積貴于既往流芳于將  
來誰曰不然斯為允矣謹遣攝太尉右僕射兼門下侍郎同中書門  
下平章事呂茂簡奉冊寶上尊諡曰莊惠皇太后伏惟慶靈垂鑒蕃  
數是膺歸安仙園敷佐皇極歆歲時之常祀媿宗社而長存

欽慈皇后謚冊文

維建中靖國元年歲次辛巳三月壬戌朔二十二日癸未孝子嗣皇帝且恭謹稽首再拜言曰臣聞慎終追遠前聖之格言立愛惟親先王之猷訓維末小子未堪多難悼菲質之靡依痛慈顏之永隔有懷願復冒執劬勞欲申終慕之情必盡欽崇之禮是諏穀旦敬上尊名恭惟追尊皇太后體道思齊含章履正柔嘉播乎德範溫惠本乎天資中環珮之節動儀乎紫庭奉圖史之規美溢乎彤管輔佐先帝誕生沖人爰自潛藩入繼大統天地神祇罔不祇協社稷宗廟咸以康寧推原慶實自我聖母而上壽未究淑命弗融奄捐盛時浸閱華歲園寢在望音徽如存不待承東朝之類不及享四海之養昊天罔極空勤報德之誠春露既濡深結愴心之感願久措于位號竚未慊于誠懷屬慈德之上宥形于遺命推章懿之故事具在有司是用錄玉

牒之鴻休鋪椒塗之懿鏢韋嚴昭薦式慰孝思方將啓在浚之靈宮  
祔維嵩之吉宅日先其遠龜告厥猶復徒繁興功緒丕作始因山而  
戒且終復土以有期伏衛肅其前驅蕭茄淒以徐引念之不見往寧  
體于皇堂愾然有聞旋升神于清祏于是羣工庶尹博士諸儒考協  
前古之遺文討論一代之成憲咸以謂謚者所以述行號者所以表  
功義有受成名無浮實節惠之法厥惟舊式其祇率于彝章用褒嘉  
于徽稱謹遣攝太尉左光祿大夫守尚書左僕射兼門下侍郎臣韓  
忠彥奉玉冊玉寶上尊謚曰欽慈皇后伏惟昭鑒在上膺茲鉅典永  
錫祚裔垂裕家邦於萬斯年配天無疆嗚呼哀哉

欽成皇太后謚冊

維崇寧元年歲次戊午某月朔某日甲子皇帝臣某謹再拜稽首曰  
夫謚者行之述號者功之表厯稽前代厥有成憲蓋生而飛英聲騰



茂實既有以聞于一時歿而施尊名隆徽稱又將以誌于萬世况先  
朝淑哲奄息大故方慎終追遠惻怛震悼異寵彝章腆繆輝煥爰命  
有司若稽往制約以節惠庶幾形容于萬一也恭惟追尊皇太后柔  
嘉靖正體仁毓和昔在神考聰明睿智勵精庶政教化菲穆德行陶  
漬闡維之風行家人之道正當是時皇太后贊熙內治協相淑闡寤  
寐思服夙夜警戒輔佐憂勤受祉上帝衍慶螽斯萬生哲宗望山簡  
狄丕耀並麗元堂之末裕陵上賓宣仁垂簾當是時皇太后婦職允  
修皇姑是尊崇慶慈德朝夕祇順承顏問安孝恭匪懈擁佑天下之  
主有鞠育顧復之恩而不矜其功雖三亞坤元之位有與服儀衛之  
寵而不自挾其貴謙沖靜默得於誠性終始全粹無有間言紹聖之  
初哲廟親政發煥膚斷起廢興壞丕變治功憲度典章復還熙寧元  
堂之盛是時皇太后助紹隆之志有啓建贊道之益陰功隱德人所

不知休烈感美蓋有不可待而名言者矣謂宜熾福祿昌壽考以長  
享兩宮之養而為四海之所矜式迎齡未究淑命弗融因山有期龜  
筮既吉茲用博訪于卿士受成于祖宗表行易名以惟典茲當神靈  
之心而詒不朽之傳謹遣攝太尉某官奉用寶箴曰欽成皇太后光  
靈如存淑問不怠膺茲鉅典懋昭厥德對越清廟永無紀極嗚呼哀  
哉

宋朝大詔合集卷第十五

宋朝大詔令集卷第十六

皇太后四

宋用

明憲皇太后宋用

維建隆二年歲次辛酉六月癸巳朔二日甲午大行皇太后崩于大內之寢殿旋殯于滋德殿之西階粵乾德二年甲子歲四月九日遷祔于永安陵禮也玉座塵飛銅壺漏咽儼龍輅而將御廟總悼而已撒九仙哀慕以哀聲駟馬悲鳴而仰秣旌旄悲揚茹蕭愁絕金鑪再藝芳香為灰玉卮三奠芳淚成血哀于嗣皇帝片某痛地雖之絕紐歎月魄之渝光方荷變宋之慶咸期享國之長昊天不弔叩地無腫從蒼梧之曠野開滄漣之畫堂送絲御之列侍儼葛實而在旁順天鈞之委化貫一氣之無方惟令名之不朽垂億兆之燭光其詞曰堯

為唐侯保姓垂祧晉主夏盟因封易氏堂堂杜伯我祖之始貽厥無窮  
中修不墜漢晉后族唐梁相門事藏汗闡慶流裔謀天贊興運地發  
洪源嫡我皇考垂裕後昆法鳩汭以禪堯因塗山而啓夏顧麻敷之  
在躬念今名之無假慕黃老之意儉道崇遠而繼任似之謨猷孰為  
難者毋儀是則王道勃興奉慈顏而不老獻壽酒以如漚溥天就養  
任土成徵矣大年之不永疑陰險以難憑駭積壤之告圻鬱紫陰而  
弗開奕軒星之遠墮隨逝水以無回寃號萬乘震蕩九垓鈎弋香兮  
分是不是甘泉魂兮來不來嗚呼背採珠之遠水而檢王之崇山睇斜  
陽于邛郫鎖宿霧于鞞鞞宰樹蕭蕭兮成列拉鳥翩翩兮自還漆燈有  
焰千載碧銀海無波萬古寒嗚呼哀哉翟擊在御精爽何之留彤管之  
遺訓象白雪而不歸會化石之啓母妨鼓瑟之湘妃粧臺蘇鮪菱花  
秋蠶館葉濃戴勝飛嗚呼哀哉內令罷書元宮永闕七廟儿

筵兩朝國史，玉衣既掩九原之烟霧，淒涼金輅徐還一代之榮華，已矣嗚呼哀哉。

元德皇太后哀冊成平三年三月丁酉

翟輅宵陳，難人曉唱，靈庭潔乎祖載，脩路儼乎仙仗。九重天室以如慕，六宮日遠而增哀。孝子嗣皇帝，運昌繼體，孝極同心，荷寶圖之惟永，懷悉訓之下臨。考先達兮協兆志，慎終兮感深刀。詔近侍恭播徽音，其詞曰：皇家積慶，昊穹眷命，構象膺乾，表寡偶聖。高陽命族，厲鄉得姓，冰別韓魏，門傳英偉。華轂接於黃雲，效祉五可，夙彰六行。純備粵自藝祖，揖讓登皇帝，尹京邑衣，列四方。后治閨壺，柔慎含章，流虹感粹，夢日延祥。慈山誕啓，擊氏生昌，爰洎神宗，承平御曆。汾晉遠定，閩吳未格，海外輝威，域中漬澤。輔佐邦治，溥惠迪登，進時聞勅，勞軫惻躬。享紫壇本詞，清廟撞控，協恭鉉，繼書妙勅，循典日式，是準純。

后玩圖史明于廢興聰獻周敏顧問允膺節廟清門儉敦素履環珮  
有節藝珥防侈郵德流忠辭封播異賢以興化世仰餘輝仁刑多壽  
天胡有違黃祇備載皓魄沉輝皇子勝衣受封胙土漢邸承徽姬宗  
夾輔維寧攸極問安莫覩元良肇建萬國以清地啓蒼宸天臨玉京  
克膺丕構長德善成德無疆兮坤元業有開兮聖嗣承天道兮慶其  
長啓帝緒兮昌而熾壽觴稱慶兮養莫伸脂澤增感兮恩靡真嗚呼  
哀哉禮禕衣兮有奉首玉璽兮是膺廟如在兮肅肅祭以時兮蒸蒸  
帝母尊兮斯至昊天之感兮難勝嗚呼哀哉洞啓山園風淒雲叟企  
穀林之封域拂嵩邱之烟霧石闕沉沉兮夜臺栢城慘慘兮朝露嗚  
呼哀哉稽任奴之壹政冠周台之國風唯重熙之錫羨與三代而比  
隆播彤管兮有煒佑皇祚兮無窮嗚呼哀哉

明德皇太后哀冊 京德元年九月

素衛育陳祖獻躬撒黼儀洞啓龍輅高歎瞻神御之特移痛族宮之  
永訣哀子嗣皇帝大孝做寶兩泣纓悲承憲類而不从念仙駕以難  
進徹者如在慈範長垂爰詔下臣奉揚芳規其詞曰神宗繼統肇宇  
為尊內朝正位契德柔坤河洲令德開閭清門彤管有輝蘭芳玉溫  
仙李遯宵日華凝秀遠下仁深載物恩厚化被六宮言孚九有仁聖  
之姿得率之廿月吐黃芒人拖玉衣所佩有節諱禰以歸治訖必循  
種稜無違正名宮闈率禮嬪妃輔佐先帝光昭內則長樂居尊大鍊  
無飾除教始于公宮歲歲成形于邦國何卜世之方隆而降年之有極  
嗚呼哀哉日往月來春敷冬索故歲方暮惟疾初作上感宸襟正期  
勿藥寒氈外侵風竇內薄采霖陰凝軒星夜落嗚呼哀哉感皇悲催  
國換棲傍草木變衰人靈沮喪椒風詎可以少留蕙路徒增于依望  
嗚呼哀哉玉靈獻兆吉日惟良金根夙駕神馭收長背都闈之凝寔

流挽唱之悲涼歎九虞之弱深享六建之杰嘗歎輝凡兮無効嗟玉  
釜之靈芳嗚呼哀哉紫輅返兮神駕收椒殿寂兮松闌秋昔比帝子  
之望舜兮如文母之興周結遺愛而山積宣惠問而川流惟博史之  
紀德亘億載而揚休嗚呼哀哉

莊獻明肅皇太后哀冊

維明道二年歲次癸酉三月甲午朔莊獻明肅皇太后崩于寶慈殿  
四月癸卯旋殯于皇儀殿之西階粵十月丁酉遷座于永定陵禮也  
椒闈月曉蕙路霜淒啓殯塗于祕殿厥羽衛于通遠哀子嗣皇帝臣  
諱痛慈覆之長滿悲速日之有期山開松楸兆協著龜徒瞻象物未  
駐龍輅從先后之不返邈上賓以何之爰發宸詔下及台司俾遵揚  
于孝治庶光熙于母儀詞曰太上立德建用皇極惟天所輔順帝之  
剛其次立功迨皇比業享壽品彙昭合鴻蒙其次立言徽懿是宣有



教無類非文不傳思齊有志作合先帝德是三者以經萬世自昔來  
儀鍾夫卓異捫霄協夢儼乾育粹占契麓祥擾龍凝系玉度况潛蘭  
儀靜懋十亂同符三辰允契內功聖考洽成至治斗極交歡天封輯  
瑞六合車書一同文軌軒鼎既升緇衣在辰願惟冲眇以託慈仁乃  
御坤元乃助乾健不揚景命順迪呈憲游精道藝棲志神廟希夷自  
得壽考惟寧寔探古記遠鑒前經心該治亂道應神靈數序天枝英  
隆宗室碩侍無二寵嘉威扶善春士類勃求峻奇弓桂相踵宸穴無  
遺屏去雕文教尚樸素織紉是親濯衣是御仁怒賦意惻愍古懷抱  
德行忠教志分灾歲痛蠲釋民隱矜哀宏開壽域茂建春臺方隅闡  
澤遠邁齊東珠璋之行竹帛難紀著在鴻臺書之彤史嗚呼哀哉積  
焦營之採兮麻炎涼以無殤懃挹霞之罔驗兮惆但景之難留發緒  
言之不跌兮春惟祥之垂休嗚呼哀哉龍輻風駕兮道遠超忽原車

宵載兮直城右出分圭嬰兮張徘徊列地恍兮滂濛密霧楚恍兮凄  
飈風素旗兮慘慄嗚呼哀哉周原拱木兮岑鬱蕭條經皇帝寢兮幽  
巖穴容脂澤生塵兮寶奩亦時巾箱運履兮仙鳳其遠體魄即安兮  
協儀哀罔神明升濟兮御辨曾霄嗚呼哀哉德業先大兮信編  
紀聖恩腴普博兮群倫剖定保我黎元兮順時立政佑我皇  
圖兮祈天永命生者懿軫兮九圍胥詠致存徽謚兮千齡愈永嗚  
呼哀哉

莊懿皇太后哀冊

維明道二年歲次癸酉四月丙申朔六日辛丑追上真宗宸妃李氏  
尊號曰莊懿皇太后粵十月癸巳朔初五日丁酉遷座祔于永定陵  
之次禮也燎火餘燼星華啓明森靈衛以宿設儼仙輶而欲行風物  
凄其變采鐸挽唱以流聲哀于嗣皇帝臣某痛隔慈顏欽揚卹典感

劬勞于歆報竭誠信于先達乃命執事紀垂芳猷璩之金玉代彼折  
旒詞曰南閣紫氣柱史族貴軒轅黃龍次妃位崇含德之厚是稱氣  
母配天之尊乃件坤元祚發竹書運膺赤伏三葉重輝九圖率服王  
化所先壹政維穆修明陰教登進才淑倬哉邦媛允矣儒門日啓  
緒積善昌源稱詩率禮有德有言如松之茂如玉之溫託素椒塗陪  
游翰綰象服斯皇女功載績勤日謙聞辭輦位映紫庭柔揚彤  
管繼明昭晉隋祉雲長業開持禹慶協生商夢日興貴祠禱感祥哉  
震載風宜君宜王黃離日日金輪增強帝所無還湘川不從銅臺總  
帷先日是奉安車赤綬策禮加重懷恩永慕居約彌沖攀慈宴于長  
樂戒外親于濯龍仁則宜壽明胡弗容奄嬰六疾未建三宮邈求藥  
兮溟津閩香登真兮雲漢重嗚呼哀哉閭息不進矣涼南換剛健龍  
中威光震斷新孽維綱緬思聖善堯母門兮歸獨存身毒鑿兮猶可

見嗚呼哀哉宗章極乎情文先申尊名茂行厥誅斯陳殯宮載闕園  
法收遵變黃衣兮祚聖對玉璽兮思親嗚呼哀哉緡偶之陰將開俊  
兆夷則之奏聿嚴○廟迢遠兮慎終揚名兮繼孝嗚呼哀哉駒屢莫  
駐牲膳誰羞樹欲靜而風不止露既零兮歲云秋覽池閣以心瘁閱  
厄區而涕沆嗚呼哀哉東背浚郊西瞻翠樹黯蒿色兮凝陰浩洛坡  
兮奔注黃崗揖兮長班皆銀海深兮潛漆炬矧可度兮几虞空復還  
兮五輅嗚呼哀哉蕭蕭松柏肅肅几筵閔葦珩而夷體陪兮劔以階  
仙恻極宸宸哀深昊天內蓋志兮禹若如事生兮倏然嗚呼哀哉柔  
明之風始資內治顧復之愛終光聖嗣含飴之樂雖違享德之靈愈  
熾伊淑範與懿聲永奉傳于金匱嗚呼哀哉

莊惠太后哀冊

維景祐三年歲次丙子十一月乙亥朔四日戊寅保慶皇太后上僊

旋殯于皇儀殿之西階有司奏謚曰莊惠粵明年二月己酉遷座祔  
于永定陵禮也雕輜風戒祖奠宵陳列銘旌于廣陌儀仗衛于清晨  
孝子嗣皇帝臣梓感慕日激哀懷天至禮有數而載如物無容而下  
備悼速卜之過臨痛慈類之永閔爰詔詞臣奉揚遺懿辭曰姬周之  
宵發祥憑厚綿緒蕃昌慶基遠茂瑤魄凝輝珠經炳秀昔在先朝助  
宣內治靜順柔明溫恭詰惠四星耀極位列其次六宮脩職在論其  
事率禮毋違秉心罔訖登進賢才憂勤寤寐協和邦族敦厚人倫均  
思逮下節用先身練贈示儉椒蘭搗芬休瑞膺期多歡在旦陪從周  
旋侍奉間燕左右圖史朝夕規誅鼎湖升駕玉几遺言付託尤重儀  
服斯尊橋山送往清廟薦馨烝烝展孝翼翼告虔洪惟聖皇實資保  
育克愛克慈是顧是復顯號推崇徽章渥躋爰作寶命乃受琮玉光  
靈如在德範彌隆勞謙降志沖約處躬辟嚴入之奉辭外戚之封味

金倦之妙典探老氏之淵宗方怡神于壽域俄嬰釁于璇宮嗚呼哀  
哉天子難謀高不可問生也有期同歸于盡迫真馭于九清促千齡  
于一瞬嗚呼哀哉中宸慘愴禁掖淒涼總惟掩芳畫闥擗殿虛兮夜  
長瓊媛何依兮鑑奩空在祥禴弗御兮厥禋深藏瞻黼筵兮流塵曷  
晦神陵園兮拱木相望嗚呼哀哉龜策告歆龍輜進轍服馬悲鳴繁  
韶怨咽背曾闕之浮雲睇西郊之落月闕逝波兮不復回恨終天兮  
從此訣嗚呼哀哉陰泉漦森森栢城上無光兮縈白日下無象兮  
潛萬靈想神游兮莫測惟體魄兮長寧享闕宮之嚴祀兮昭謨罔之  
大名同皇基之永固兮侔厚載以難傾嗚呼哀哉

欽聖憲肅皇后哀冊文

建中靖國元年歲次辛巳正月壬戌朔十三日甲戌大行皇太后崩  
于濟德殿二月壬辰朔十一日壬寅殯于西階以三月壬戌朔八日

己巳戒百官請命于太廟謚曰欽聖憲肅皇后太史筮之將以五月  
辛酉朔六日丙寅遷座于永祐陵禮也哀于嗣皇帝極永感之懷寓  
無窮之慕躬薦河酌奉寧姑馭痛三牲之養思至于遺莫悲萬壽之  
禮俄成于晡露孽效如在聲容不返畢銅火之餘滴動金商之清挽  
暑令息其成凄薰風颯其變慘像故既嚴物儀其有惟是用書用傳  
不朽宮巨承詔式虔事守紀美寓哀貽之永久其詞曰我宋隆康恩  
漸動植惟速暨適生成泝息趨走賢智脩官懋職遐及四裔左衽重  
譯維相向公梁昭宗拓遠女曾孫口家瑞國蚤歸玉蕩旋被褫翟至  
性溫溫令儀翼翼道意禮學生知自德慶寺寄慈問安昕夕執養寒  
暑端莊不易內輔神宗贊助陪益凡厥見聞徐為所迪十有九年晏  
架振掖萬邦託慈六宮仰式約省外比湯沐脂澤敬恭西竺旃檀簷  
荀斯世丕平陰與多緒化懿夏商堊山簡狄姜嫄大妣聯袂並駕元

符日祀歲執徐直正月己卯變同制書魏魏哲宗武威文德夫何弗  
祐忽遺寃穿上祀考廟將次大策于時邪臣武藏邪憲叛逆異論欲  
倒白黑賴我聖母沉潛剛克折之陞前氣殫語塞庭巖屏渠門屯矛  
戟龍德利見人案慶懌一指顧間長寧社稷譬如娥皇神工妙力鍊  
石補天斷鬚立柱沖融宇宙混漾滌滌靡賢下登靡究不釋臣書侍  
對與開訓飭曰我皇帝聖材天錫于道勅茲政事祇揚治本亂原講  
磨紬繹惠心溥博物理研最帝堪多難于復明辟何俟附饗始選禁  
闕幸濟初艱後罔餘青重下教告並就安達帝板以留懇款裝積教  
斯弗回批翼卻藉義盡今林事高往昔在漢馮鄧固多慙邑其于邦  
民憂不離臆勅版仁儉示先壹則版無珠璣器無瑤碧禁戒雕繪棄  
捐組織言祀經隋督核儒墨諸書通服綬微洞析兢兢懼懼殆忘寢  
食涼暄家移疹氣侵蝕皇帝聖孝啓處在側藥膏刀圭術窮織石禱



禳山川猶期千億丹剗罪靈冥莽終厄佛供畫昏喪旅夜亦祲象告  
凶軒星示圻數圮坤元景淪望魄五十八載馳光度際嗚呼哀哉梓  
匠奏工媪娥罷飾殿先途瑤室撤席鶴士鼎鼎絳旌夾夾左背城  
闕右徑阡陌驚絳趨趨絲車叩噫蕭瑟悲吟鹵簿哆赫萬類奪輝四  
氏聚威御版苴麻皇情樂棘嗚呼哀火霧雨故宮華苔舊城龍幌蕭  
森歎靡靈寂輦路繼登孰非陳述引望山園涕滂竹栢惟有徽音長  
留賢州嗚呼哀哉

欽慈皇后哀冊

維建中靖國元年歲次辛巳三月壬戌朔二十二日癸未上神宗皇  
帝妃陳氏尊諡曰欽慈皇后身五月辛丑朔六日丙寅遷座于永裕  
陵之次禮也茂道夙啓告奠載撤羽衛警而有行駕輅隱其將發孝  
子嗣皇家臣某永慕徽音恭率禮典瞻黼筵以踊慟奉靈車而躬遣

乃培邁臣敬揚聖善其詞曰維陳降氏實生堯母有媯之後維舜之  
胄陳之啓封帝始于周跡漢歷唐或相或侯逮我有宋世遠猶或族  
出京兆為時顯姓皇圖有赫益光矣正開維成化曹沙協慶乃鍾淑  
哲爰際神聖女功是績婦職是懿樂修四教懋崇六行齊戒從宗左  
右沅沔儀若蘭郁度如玉瑩遠下惟仁奉上惟敬兩宮隆愛九御擇  
美女謁無私彤管有輝妙影筆札戒視圖史克厚人倫以受帝祉日  
符表運履敬庭祥超任邀姒翼夏生高且民宜人為君為王爰為斯  
慶于邦有光昔在元豐帝齡見夢撫神鼎以甄絕睇鳳臺而茹痛橋  
山忽其已遠惜蒼梧之未從怡兮永懷窈兮至靜袿裳無飭珠藏全  
屏樂施不俸好謙日東晏勤克念夙夜猶華月望未幾華頊斯頊蓋  
與世以皆昌胡卑年而不永嗚呼哀哉鉤陳動色陰靈墮輝林有風  
而不止露在草而先晞昊天不弔慈顏早違有屋其卑有絃其折旒

繼魂時程緇殿衣衾總悔未幽堂閨扉望國郊其未逮空故庭兮下  
歸嗚呼哀哉時龍天飛離明玉麗祇適遺訓皇隆前制乃正坤樞允  
尊皇媿瑞琮陳筭重翟在庭玉琢有罔寶上尊名金範有璽寶奉至  
禁文備邦禮哀貫皇情以萬國之貴而幸追于後以四海之養而不  
逮其生嗚呼哀哉靈旛雲構神闕山立來與親竭狀竿躬執衣黃悅  
見淚組紛入二儀感而風悲千官侍而雨泣靈之下兮既饗澹將歸  
兮陵色嗚呼哀哉吉月兮辰良萬靈兮維瘳龜兆兮吉遠輒龍兮莫  
駐鳴笳迎咽杜絕列注背吹臺以右轉越翠岡而西去盛夏祖兮不  
復春晨不復兮夜臺路嗚呼哀哉仰烈考兮在天邇從之兮洛川洛  
川兮斯塋松柏兮有阡九虞靖兮其返神顏我兮未還原既安兮不  
審詐後之人兮萬年嗚呼哀哉

欽成皇太后哀冊

維崇寧元年歲次壬午某月朔某日甲子追上神宗皇帝妃朱氏尊  
諡曰欽成皇太后粵某月甲子朔某日甲子遷座于永裕陵之次禮  
也雖輕風戒奠俎方徹慘哀節于廣陌引素仗于明發皇帝陛下孝  
治克隆恩禮斯洽屬羽衛之有行念徽者之永絕妻命侍臣茂揚懿  
烈其辭曰維我有宋繼天立極王化之基自家刑國於皇神考百度  
脩飭元豐之功下土是式妙選六宮升進淑德靜恭柔懿私謁不行  
夙夜警戒協謀相成履武發祥纂繼丕緒奕奕西宮是燕是處慈仁  
克儉宜壽而臧胡不永年忽云淪亡嗚呼哀哉恭陵初載恭默不言  
左右保覆惠和且溫逮及親政載新紹述贊助之勤一心密勿迭想  
音容空餘髣髴嗚呼哀哉厥初遺孺覲其有瘳穰故禱祠靡神不周  
訪秦璧之殆遍肆愛育以寬憂愴隙駒之易轉驚逝水以難留嗚呼  
哀哉永懷允屬以大統聖心孝思報稱攸重稽章惠之舊儀詔議

臣而折中正位號之尊榮稱典彝而增重琢寶儀于瓌奇綏金匱兮  
錯綜嗚呼哀哉惟卜惟吉揆時既良仙馭杳去銘鏤載揚背浚郊之  
奧壤僚洛土之崇廟陵寢盤兮空曲珍木茂兮鬱蒼流殿苔兮素月  
墮壘柏兮嚴霜闕珠襦兮寶筭零雨涕兮宮墻石門兮深扃漆炬兮  
永夕雲輶駕兮弗還總帷空兮常寂嗚呼哀哉有形兮必終有數兮  
斯盡生能享天下之奉兮無違竣以歸裕陵之厚兮何恨雖千百兮  
斯年終不騫兮不墮嗚呼哀哉

山陵

皇太后園陵稱小陵詔

建中靖國

恭以大行皇太后逮事英祖輔佐神考保佑先帝遭國變故首建大  
策援立朕躬艱難之初暫同聽斷日月未幾遽欲復辟朕固請不獲  
勉徇慈旨退處宸闈游心道妙謙尊鮮儼沖靜自居惟功隆德鉅福

被天下永言圖報未知所從今遺命陵號乃重有貶損曷以仰酬慈德以慰塞中外之望乎可詔有司易園陵曰山陵餘恭依遺誥施行

宋朝大詔今集卷第十六

宋朝大詔令集卷第十七

皇太妃

尊立

尊太妃制 元豐八年三月庚子

朕蒙休先帝錫美我家茲聞憑几之音付昇承祧之託眷言邦媛久侍宸闈俾序進于寵名敢忽忘于太卜德妃朱氏發祥慶系協德後庭祇順兩宮不違于監饋帥循四德居念于保河甯生沖人獲紹正統申隆懿號用契舊章謹加號曰皇太妃其合行典禮令有司具典故以聞

禮儀

太后令褒崇皇太妃 詔 元祐三年七月癸丑

勅中書門下皇帝嗣位于茲四年華夷來同天地並應而皇太妃以

恭儉之德鞠育之恩雖典罔以時奉行而情文疑有未稱皇帝以祖考之奉尊無二上而吾唯春秋之義母以子貴其推天下之養以慰人子之心宜下禮部太常寺討論如于典故有廢崇未盡事令開其以聞故茲詔亦想宜知悉

今禮部太常寺禮官參詳皇太妃儀制詔

始聖元年二月戊辰

昨朕親奉皇太后聖諭皇太妃保育之德著于中外雖已備極崇奉而儀節之間猶有未稱蓋舊儀雖全比皇后而宮闈與蓋之制及出入所由宜有所加苟于本朝祖宗以來母后之制有所差降則廢隆之款可施行矣朕躬承玉音倦倦慈訓其下禮部太常寺禮官參考典禮儀制及臣僚上踐拜名命婦進見等儀式聞奏

進命

迺尊皇太妃制元符三年正月十四日



門下聖人之德無以加于孝天子之貴亦必有所尊朕遭家多艱紹  
圖大統恭念所生之重永懷追遠之情故貴侯陳氏德範載于公宮  
厥猷著于天下輔佐先帝警戒憂勤誕育沖人勛勞碩復稽諸典禮  
詢于師古有親親之恩有貴貴之義念之不見感春露之既濡而率  
薦章報昊天之恩極宜進號皇太妃

太后

復元祐皇后制 元符二年五月丁丑

門下朕紹休列聖承訓東朝施惠行仁既誕乎于有衆念今追遠用  
□□于我家□□□□所自勲門賴于王室得罪先帝還處道宮遠  
茲日克庸祇德皇太后念仙逝之淺遠撫前事以興□□深矜  
示不終廢申崇位序還復宮庭乃詔輔臣具□□□雖元符建號已  
正位于中宮而永泰上賓固無嫌于□□后於戲原情起義蓋示親親

之恩尅已慎身宜成婦婦之道其率循于懿範以上答于深仁往服  
茂恩永膺多福可復為元祐皇后

加崇元符皇后詔崇寧元年八月辛酉

朕躬念哲宗皇帝以聖德剛有基業推至仁無私之心乃以神器屬  
于冲人而元符皇后實受遺訓故定策之際欵深皇太后深所付託  
永惟繼體承祧之重敢忘進往事居之情垂簾之初姦臣輒議廢黜  
其事未及褒顯近上章表敘述大功朕思所報允其陳請供酒等事  
已降指揮其出入儀衛等當議加崇以昭前人之德而稱朕有恭之  
意內屬樞密院事關送照會施行

元符皇后進號太后賜名崇恩宮詔

崇寧二年  
二月甲寅

朕入繼大統獲承至尊永惟哲宗皇帝不克與子而元符皇后實與  
定策排之恩義夙夜靡忘故鄧王已進贈為皇太子母以子貴于古

有稽而禮以義起惟事之稱宜崇位號以慰在天之靈稱朕友恭敷報之意可進號太后徐依禮部所定加崇儀制外其儀衛人教及請俸奏薦恩澤等並依昨欽聖憲肅皇后元符三年體例施行徐依皇后禮制施行其宮賜名崇恩之宮

元符皇后劉氏進號太后制 崇寧二年二月七日

門下朕獲承至尊嗣有今緒顧我烈考寔能配天念茲哲宗弗克與予遂揚日命肆及眇躬茲惟付託之大恩實有謬謀之初議日頌顯冊播告治朝元符皇后劉氏端壹誠莊柔明懿日謹鳴玉佩日廣友瑟流符之仁天下從風則有化家邦之道禁中日則有安社稷之功宜極褒崇以章報稱尚循近比乃日時適憲府之建言俾曲臺之論定蓋以弟及之義實日其兄母者之同亦繫其子既用命已加于獻慈則典章當視于慈徽用斟酌于情爰進升于位號備

進儀物崇建宮庭以盡友恭之心以明繼述之志於戲禮由義起率  
曰事以制宜名與功昭斯顯庸而揆實惟德尊者物必備而施重者  
報亦隆其茂對於閔休以永綏于遐福可

再廢元祐皇后詔

崇寧元年十月甲戌

朕恭惟哲宗皇帝臨御天下十有六年休德顯功無裕萬世竟以大  
統屬于眇躬夙夜欽承猶懼有闕而元祐皇后始嫁失德獲罪先朝  
退處道宮殆將累歲會逢變故政事紛更乃有姦言上動朝聽姑從  
並后之議庶用推時之宜雖申私恩已致公論今臺臣合奏引義固  
爭宰輔貪同抗章繼上咸以謂昨者復位違先帝之初詔又匪本朝  
之故常典禮有愼此則既叙威靈在上其肯顧歆宗廟不可以從祀  
陵寢不可以配祔據今驗古皆所未安考實正名蓋非得已勉循前  
志良用憮然可依紹聖三年九月三十日詔旨其元符三年五月十

一日指揮更不拖行所有其諸恩教悉如舊章仍加優厚以稱先帝始終待遇之意布告中外咸使聞知

孟氏賜希微元通知和妙靜仙師詔

政和七年四月十三日

朕循名考實據古驗今凡繫稱謂之嫌必協是非之正華日教主玉清妙靜仙師孟冲真頃自紹聖退居道宮恩教日優歲時滋久比攬有司之請尚仍教主之稱理實未安義當有易爰申加于懿號俾允迪于真風夫可言可行茲惟人治之大以靜以正庶幾衆美之從可加賜希微元通知和妙靜仙師故茲詔示想宜知悉

宋朝大詔令集卷第十七

宋朝大詔令集卷第十八

白后上

尊立上

立琅邪郡夫人王氏為皇后制 建隆元年八月甲申

軒轅四星爰著正妃之象虞舜二女誕彰內治之功厚夫婦而敦國風體乾坤而修壺政茲朕所以叙人倫崇祀典也告于清廟乃降徽章咨爾琅邪郡夫人王氏襲慶公侯傳芳國史法相可以當人主勅儉可以率內朝贊成開國之基實賴宜家之慶翠衣未舉椒掖猶虛既伴大妣之賢宜改小君之號可立為皇后所司擇日備禮冊命

立隴西李氏為皇后制 雍熙元年十二月壬辰

王者祇膺寶圖奉若天命必在詳求淑哲所以翊宣風教姬周之盛本自姜任之烈虞舜之聖亦資皇英之助蓋化行于內而隆教以孚

位正于中而人倫以叙始于宮闈逮于家邦前典具存敢忘脩舉隴  
西李氏柔嘉維則和順積中茂慶著于侯藩威烈傳于勲閭清芳桂  
郁睿問川流明惠成于自然仁孝本于天賦頃自作嬪帝室毓德椒  
塗象服垂風允昭令則關雎播美已著樂章內治肅而九御有倫婦  
道著而六宮承式服阿休之歲誠知臣下之勤勞固已績茂公桑道  
光彤管而造舟之禮未加于徽命厥翟之肯未正于中宮豈所謂昭  
德成訓胡世繼統者乎宜考舊章煥茲緝禮法軒星而踐位配皇極  
以為尊可用為皇后有司擇日備禮册命

立秦國夫人郭氏為皇后制

至道元年五月丁亥

王者法星軒之文正椒掖之號所以協宣陰教敦厚人倫故媿滄美  
嬪虞之賢望山光翼夏之德著之典訓形于家邦斯為大猷朕所祇  
尚秦國夫人郭氏生彼華胄歸于列藩婉嫕有儀柔嘉成性宣恭



奉上之禮慈仁符逮下之規景命維新統禧載集俾膺徽稱用叶舊章宜立為皇后

答羣臣乞立后詔 大中祥符五年十一月乙酉

中宮正位取法坤儀順天德以厚人倫率陰禮而脩內職乃瞻椒塗之列久虛象服之尊卿等位列秉樞義深同體旅陳封奏敷述舊聞以壹範之攸先蓋宗祏之斯奉形于懇惻備體公忠方擇善歆聿頌禮命可請宜允

立德妃劉氏為皇后制 大中祥符五年十二月丁亥

朕仰承嘉運嗣守鴻基思厚人倫聿崇王化眷惟中壹實有舊章宜得淑賢佐于憂勤爰敷明命誕告外庭德妃劉氏毓粹高門鍾英甲族載挺閑和之質茂昭婉嫕之風覽圖史之格言早揚惠問躬組紉之懿績實顯令猷自升冠于掖庭頗習更于歲月肅雝之美表率于

六宮敦睦之仁協和于九族事遵彤管北叶玉衣邦教聿隆嬪則攸  
著長秋虛位宰府上言援據古今異于褒擇於戲詩有思齊之詠易  
垂厚載之文福祉攸滋邦家所賴肅膺典冊其懋戒哉可立為皇后  
擇日備禮册命

皇太后降立郭皇后手書 天聖二年七月庚子

皇帝仁孝天賦聲猷日新蒞政以來尚虛中壹吾晨夕思念躬親選  
日思得其人以贊內治贈中書令郭崇韜孫女衣冠令族汾晉名家  
積慶流光遂生賢淑信可以訓齊九御儀冠六宮正人倫之大端承  
宗廟之重事宜納為皇后俟南郊禮畢降制

立郭皇后制 天聖二年十一月乙丑

門下古之有國家者體乾坤之象明教化之源必正人倫以齊天下  
委任之佐周道陰馬之隆漢風皆有茂規垂于方冊朕猥以涼德紹

膺丕祚允賴盈成之業敢忘勵翼之勤皇太后慈念素深誨勗斯至  
屏選門閭為求淑良侍人果協于聖心班詔已聞于列位茲擇吉日  
乃降命書贈中書令郭崇韜孫女將相之家簪纓不絕漸仁義于宗  
黨播柔芳于閭闈遂生賢明式耀勲緒炳倪天之表曩出常倫謹佩  
玉之聲率由懿範益以勗日圖史言成矩模徽音藉聞慎齊叶宜  
其於訓九列統齊六宮秉椒極之舊章陟軒星之正位於戲上承宗  
廟之重下契臣民之剛夫性匪懈克廣令猷盡爾孝恭事于文母執  
饗膳以佐鼓端繼筭而承顏守其靜方濟以純儉使四海之內九族  
之中仰禕翟之禮容識朝廷之婦傳豈不盛歟可立為皇后仍令所  
司擇日備禮冊命

立曹皇后制 景祐元年九月十七日

門下王者握符御宇繼體守文保于萬邦方資于外輔率乎六列齊

賴于中闈是以塗山之興協禹功而彌遠有莘之娶贊湯祚以滋昌  
朕以受命昊穹居尊夷夏念長秋之盛位覽上宰之教言且謂皇王  
之猷必端天地之本明闕維之風化美姦斯之衆多欲正邦基在求  
德闕是用詢于壺範敢此人倫誕告彤庭庸彰懿則贈尚書令配享  
太祖廟庭曹彬孫女生于鼎族教自公宮眷乃祖之孫謀若元勳于  
廟祀慶流令淑望藹高華而性稟柔剛體含仁厚援圖史以自鑒節  
環珮而有容宜登金屋之榮用表玉衣之瑞禕諭無闕龜筮協從於  
戲立后之規建國所繫上承宗祏之重內憑輔佐之勤思進賢材以  
昭陰教修絃縱而隆禮執圭璜而訓恭肅奉徽章欽惟永命可立為  
皇后仍令所司擇日備禮册命

立高皇后制嘉祐八年四月己亥

天子之有后如天之與地惠養萬物如日之與月照臨四方苟稱號

之弗菜則臣民之安仰京兆郡君高氏生開闢之後而不自矜大處  
富貴之習而能安素約頃在藩邸宜于室索肆朕蕃承喜乃輔佐惟  
長樂之奉養左右不可不虔惟六合之表儀辰夕不可不肅爰正軒  
星之位以為國風之倡舉是典冊告于治朝於戲邦教丕基人倫茲  
重塗山啓夏太任與周勤勞一時焜耀萬世乃其懿筭櫛瓌日侍慈  
顏銜統絃繼時承宗祀庶幾天下之俗知我門中之私可立為皇后  
其合行典禮令有司檢詳典故以聞

立向皇后制 治平四年二月乙酉

王者制治當天法陰陽而布風化自家形國正夫婦以構人倫惟長  
秋之冠六宮首內教而先萬寓朕祇膺顧命獲荷丕基。與以教  
脩。禮經而必叙安國夫人向氏德教柔順道蔚賢和鍾相闡以挺  
生積善祥而襲慶自居藩邸輔佐朕躬肅珩珮以無譚鑿國史而有

度厲精承于寶祚用邊陲于坤依咨以無詭重于團體於戲宸昏養  
之大思謹奉于兩宮棠感日之倫必虔恭于七廟著雅隆為竭則尚  
節儉為民日日日猷助我善教可立為皇后命有司擇日冊命

太皇太后下詔禮官檢詳六禮著為成式納皇后

元祐五年八月乙未

吾膺先帝之託惟宗廟之奉惕然常恐不逮以有愧于前聞古者必  
備內外之官以為邦國之助有嚴董正釐舉故帝皇帝仁孝聰明自  
天攸縱恭欽學問與日而新服衣若干尚虛中臺吾夙夕思念周咨  
博謀期于令德之家介比來媮之祉以躬天下之陰教宜莫重焉願  
在朝廷之禮文所當先者矧于良弼茲告謀猷同心之言行之罔怠  
其今大常禮官檢詳古今六禮沿革參考通禮典故具其即文著為  
成戒有司審當然後施行所以欽慎大皆萬世之嗣咨爾宰輔體吾  
意焉

立孟后制 元祐七年四月己未

正家者義之先天下從而定矣大婚者禮之本聖王所以重焉朕繼  
體持筮脩身思永切字基圖之固敢妖宮室之安太母以萬世為心  
命度宗事之重大臣以兩極陳義請建坤儀之尊謂王道之大所由  
興故人倫之始不可緩明揚德闡之懿簡在慈闈之公欽承溫詔之  
音俾正中宮之位載顯吉日敷告大廷故侍衛親軍馬軍都虞侯眉  
州防禦使贈太尉益元孫女忠孝令門善慶奕世幽閑專靜諳聞和  
聲日睦惠慈雅應柔則天作之合文定厥祥人謀協從適告日日是  
宜入聽內職輔宣外和式瞻禕翟之章上直軒龍之象嘉典大備並  
行古今之情文盛德有開增美國家之治理於戲惟恭儉為富貴之  
守惟憂勤為康樂之寶如闢非之進賢則可以基風化之成如樛木  
之逮下則可以將福履之盛用久乃濟匪初其難勉爾欽修以法三

宮之端一相予顯祀以崇七廟之清明垂光紫庭襲聖彤管可立為  
皇后仍令所司擇日備禮冊命

宋朝大詔令集卷第十八



宋朝大詔令集卷第十九

皇后中

尊立下

荅宰相請建中宮詔

元符二年九月辛丑

省所上表中宮虛位歷載于此宜有建立叶修陰教伏望特于定省  
兩宮之暇祇稟慈訓登崇賢淑正位內治備舉典冊之盛俯慰中外  
之望事具悉后聽內治以風四方昔之盛王茂建賢德朕若古明訓  
慎于東求卿等職在秉鈞誠深體國以長秋之虛位援故實而有言  
當稟兩宮即頒禮命用承天祐俯慰群情所請宜允

立賢妃劉氏為皇后詔

元符二年九月丙午

朕以卿等上表請建中宮事稟于兩宮皆以為莫宜于賢妃劉氏柔  
明懿淑德冠後宮誕育元良為宗廟萬世之慶中宮將建非斯人其

誰可當所宜備舉典用以正位號恭依慈訓即頒禮命

立劉皇后制

元符二年九月七日

門下朕獲以菲質紹承寶圖歷觀王化之興莫非內德之茂惟時淑媛祇事掖庭挺生天材立我國本其消殺旦升冠長秋章婦道于家人示母儀于天下賢妃劉氏心容具善言德參和弓嫺祠祿蚤歆帝武之敏簞莞考室遂占噩夢之祥誕降元良來符其會屬中宮之虛位違宰府之有言以七廟祭祀必有以共承兩宮奉養不可以無助朕躬稟慈訓欽聆玉音謂其有柔明之姿懿淑之德載育長嗣垂慶萬年諒非斯人誰可為后宜舉典冊之備以正位號之崇播告治朝是頒休命於戲虞舜之釐二女帝嚳之登四妃冠德後宮遠則貴人選建于永平之歲鍾英甲族近則德妃禮命祥符之年匪朕私恩之具茲故實尚協修于陰教其萬紀于壺彝夏若闡睢之進賢仁如穆

木之逮下成燧趾之信孚致茲斯之衆多燕及家邦永綏福祚可立  
為皇后

立王皇后制 元符三年二月九日

門下朕嗣守令緒若稽前人王假有家所以始基邦教天作之合所以纂成治功肆朕東求惟古時憲咨爾萬方之有衆聽予一人之告猷順國夫人王氏徽柔懿和溫恭慈惠曾自勲閭嬪于王藩夙夜在公克明其德朝夕匪懈淑慎其身薦入紹于基圖用申加于位號以承九廟之祀以形四方之風於戲古先哲王肇修人紀肇廢士女御于家邦惟克艱則罔有後艱惟克正則罔敢不正爾勵朕相予惟汝嘉朕其永孚于休爾亦並受其福慈為后矣其尚欽哉可立為皇后

立鄭皇后御筆

貴妃鄭氏柔明婉淑謙慎持身位極元妃德烈宮壺有進賢逮下之

志無險詖私謁之心越自續承祗服內職夙夜匪懈擯御式從屬長秋之久虛致大臣之懇請遠稽東漢近考祥符質古參今具存方策宜隆位號以正坤儀可立為皇后

立鄭皇后制

大觀四年十月二日

門下朕承七聖之烈撫九有之師永惟正心而修身蓋將明內而齊外考閔睢之美冠四始以居先觀思齊之賢列正雅而為大伊欲美于風化必有御于家邦敷求懿德之良誕告治朝之聽貴妃蕭氏柔明婉淑謙慎持身位極元妃德冠宮壺有進賢速下之志無險詖私謁之心越自續承祗服內職夙夜匪懈擯御式從屬長秋之久虛致大臣之懇請遠稽東漢近考祥符質古參今具存典冊宜隆位號以正坤儀於殿上以承宗廟社稷之靈下以慰群生華夷之望惟憂勤而罔怠則可以輔佐于壺彞惟警誠而弗忘則可以化成于婦道勉

隆甚盛之德永底無窮之休可立為皇后

冊文

冊曹皇后文

維景祐元年歲次甲戌十一月丁亥朔三日己丑皇帝若曰天地定位陰陽相成人道貫之以綱大倫后德配之以熙內治聖人有以端其本也故造舟之迎言乎備詩人有以美其化也故周南之風著乎始予朕沖昧祇若丕構深惟承荷之重輔佐攸艱用簡納賢明以叶于人神之望咨爾贈尚書令冀王配享太祖廟庭曹彬孫女惟乃祖克有武略勤勞王家保勳不伐榮享厥終慶沅後昆薰然慈和善祥憑積生此邦媛其漸清醇醲發聞馨香所從來遠矣起居閑習不待姆師之勗風容矩度自為宗黨之憲長秋曠位陰教未序咨求訓範統正六列宗公鼎臣誦言于朝願即嘉時聿申典禮朕以春秋之義

必娶大國摯疇之家乃福福偶謀及秦茲聘以穀主惟吉之從有命  
既集今遣使工部尚書同中書門下平章事李迪副使戶部侍郎參  
知政事王隨持節冊命爾為皇后欽哉夫惟肅恭可以事上夫惟謙  
裕可以接下春而能約則驕弗至動而慎思則悔弗萌懋及攸德修  
乃媚職奉承宗廟儀形家國永綏無彊之祉不其禱歟

冊高皇后文

皇帝若曰惟坤儀承天以亭育萬物惟陰景配日以照臨四方惟后  
德佐王以化成天下蓋風乎遠者必始于近正乎國者先齊其家有  
華翼商塗山興夏舜以二女茂昭釐降之文周以大妣聿興大明之  
詠此有國之成憲古今之常道也可不慎焉朕猥當鴻業獲奉皇圖  
襲長樂之慈蔭粵求內助率迪故常咨爾高氏惟迪祖休有丕烈顯  
于家邦勲昭前人慶浹後世春乃淑哲雍和粹純貴而能去其驕動

而能約以禮早擯藩邸肇正堂儀肆朕緝履輔予憂勤矧慈壽徽音  
方資善繼六宮懿範宜有榮師故群公紳士念繹舊典遂加禴程之  
飾允正長秋之位誕告有衆既顯外庭式契元龜協謀敷教且令遣具  
官曾公亮具官陳升之持節冊命爾為皇后夫家人正內易所以顯  
于象中闡雖進賢詩所以為之風始首惟其懋乃德迪厥善暢肅雍之  
化敦翁斯之義尚播美于彤史以垂光于萬世豈不懿歟

冊向皇后文

熙寧二年四月壬戌

皇帝若曰自昔有天下必擇建厥配以承宗廟以御家邦肆朕受命  
奉循前烈考慎典冊以祈協于神民咨爾向氏懿柔淑恭舊有顯聞  
肇功惟祖弼亮帝室流德之澤覃延後嗣是生碩媛比賢姜任越朕  
初載來嬪藩邸暨饋在中率禮無違以至嗣振祇承內事齊明夙夜  
罔有曠失宜崇位號表正宮庭今遣攝太尉具官吳公瑒攝司徒王

安石持節冊命爾為皇后夫惟興王彊厥士女咸自內始達于四海  
朕克勤又用弗怠朕克儉又用弗奢朕克正又用無敢側頗僻爾勵  
相朕乃濟登茲於戲匪初惟艱惟慎厥終爾忱念茲朕以永享天祿  
爾亦預有無疆之禮豈不禕哉

冊孟皇后文 元祐七年五月丁酉

維元祐七年歲次壬申五月癸未朔十六日戊戌皇帝若曰天地剖合  
以綱人倫君后取則以御家邦自昔三代內德之茂二南風化之本  
治道所繫詩書述焉朕慕紹玉服上蒙太皇太后聖訓八年于茲而  
長秋未建中積闕職歷詢舊門審定福禍慈衷惟允斯即其人咨爾  
侍衛親軍馬軍督都虞侯眉州防禦使贈太尉孟元孫女衣冠望族鄒  
魯華胄流光儲祉鍾粹碩媛有徽柔之質不待姆師之誨有安正之  
之美宜配坤極之尊稽謀大同儀物惟稱今遣攝太尉蘇頌攝司徒



王巖叟持節冊命爾為皇后膺茲嘉禮往踐宮朝協宣陰教母臨萬  
方朕春秋時思虔七廟之享后惟衛統是將朕晨夕承顏致三宮之  
養后惟饗膳是視朕卑服節儉以躬率天下后亦練繒是式朕宴游  
省耕以稽事為本后亦種稯是資於戲皇天無親惟德斯永黃畏饗  
福異順正吉嗣請百世克終有慶不其趯歎

冊劉皇后文

維元符二年歲次己卯九月庚子朔二十七日丙寅皇帝若曰古之  
明王天立厥配以贊助其行事御于家邦朕嗣有令緒撫綏萬方若  
稽大猷慎所登建以奉宗廟非朕敢私圖惟其人在帝所右資爾賢  
妃劉氏懿柔淑哲維德之行自初叙御率禮不越震夙之慶協于聲  
詩乃生元子誕受帝祉立我國本垂休無疆朕率爾庶言恭承慈訓  
敷告在位莫如爾賢神人允諧命爾予翼其膺典冊正位宮庭今遣

攝太尉金紫光祿大夫守尚書左僕射兼門下侍郎上柱國豫章郡  
開國公食邑七千一百戶實封三千二百戶章博攝司徒右光祿大  
夫守中書侍郎上柱國長樂郡開國公食邑三百戶食實封六百戶  
許將指節冊命爾為皇后夫王化之美必自內始決于四海凡厥攸  
行罔不在初爾惟順故能上承兩宮化天下以婦道爾惟明故能迪  
朕夙夜無怠以懋爾德毗予一人永綏民天其申命於我家爾亦永  
膺多福豈不韙歟

冊王皇后文

皇帝若曰天相予祖宗茲歷世寧康朕既收紹丕緒罔作麗觀底信  
內外惟法惟式新以正邦今左右弼臣禮儀正貳暨族老宗婦各處  
厥事成鋪繹摛聞明敷于位曰乾施坤承日照月儷四時不忒萬物  
用成盡稽則象詢考卜筮若時元吉正名錫服俾長首六宮以母天

下予惟國有故常是何敢弗率咨爾王氏乃祖忠勞王家書于太史  
子孫公侯出入藩服惟功澤遠茲是生碩媛淑嫕溫恭備有嘉德聘  
婦王邨入承事皇姑靡不若禮上天右序家豢育元子慶在宗廟惠  
齊于四方乃以某年某月某日遣攝太尉具官某攝司徒具官某持  
節冊命爾為皇后賜爾皇后之寶方寸有半文螽螭紐授之玉冊厥  
簡五十命爾翟衣笄纓博髻黼領大帶以朝暨歲時將祀于東西宮  
金輿朱蓋武賁呵衛步障行導是惟顯哉爾其克后職思后道復中  
體順茲日嚮多福集大祐于厥躬其尚欣助予治昭聞于無疆懋戒  
之哉

宋朝大詔令集卷第十九